

ratione assequi mihi licuerit. Elegantissimum ergo Oratorem si heic aut tenebrosum aut caespitantem quandoque sentias, ne viro illo doctissimo, sed furciferis iis Librariis tribuito, qui quae minus intelligunt, pejus describunt. Malui ergo non pauca, ut erant, incompressa relin-
 5 quere, quam nimis audaci conjectura restituere & expurgare, ne Lectores dum Vergeriana se legere putant, mea forte unice legant. Haec sane qualiacumque sint, habere praestat, quam nulla. Ab edenda Oratione *de laudibus Divi Hieronymi*, quae in eodem Codice legitur, abstinui, tum quod nulla ex parte ad institutum meum spectet, tum etiam quod
 10 nihil nisi vulgaria, eaque ne a fabulis quidem immunia, exhibeat: Atque ex his paucis intelligere iam possis, quam non immerito celeberrimus vir Guarinus Veronensis in Epistola, cujus laciniam protulit Clariss. Mabillonius pag. 18. Itin. Ital. in haec verba scripserit, de Manuelis Chrysolorae Epitaphio loquens: *Quod e Constantia vir gravissimus, & in omni*
 15 *literarum genere eruditissimus vir, Petrus Paulus Vergerius ad me misit ab eodem, ut arbitror, confectum* ⁽¹⁾. En quanti vel tum fieret ingenium ac eruditio Vergerii.

(1) Cf. l'epist. CXXXVI, p. 357, nota.